



Das V. Capitel.

VON DER fabrica VIND

Erbauung der Fe-
stungen.

Her man einen Orth befestiget / muß man zuvor seine situation vnd Gelegenheit wol betrachten. Dann ligt er auff einem Berg / so ein lauterer Felse ist / also daß er den Gipffel desselbigen beschlaege / so kan man ihm nit leichtlich zuoiffen / dann er ist auff den Seiten wol verwahret / kan nirgend her von oben herab commandirt / vnd vnder her / nicht vndergraben werden: Wirdt von sich selbst vber alles was darunder ligt / er wirdt in Summa ein Vnberwindliche / oder zum wenigsten / eine gewaltsame Festung / vnd gesunde beydes zur erhaltung der Inwohner / vnd verwahrung aller Munition. Es haben aber auch gemeinlich solche Orther diese Mängel / nemlich / mangel an Wasser / an Erden / beschwerlich zu verschansen / leicht zu beschliessen / vnd endlich / kan ihnen auch alle Hülf vnd Secours leichtlich abgeschnitten werden.

Lige der Orth auff einem Berg / der nicht entel Felse ist / so ist er leicht zu vndergraben / die Lauffgraben durch welche der Feinde hinzu nahet / leicht auffzuwerffen / vnd hat noch
hier